


Enzira y'erihika oku Nyamuhanga





©2004 na Rose Stair Goodman. Omuteri oko lupapura oluswikyire akatabu kano eyihya ni Edwin B. Wallace. Meryl Esenwein yo watera oko Lupapura luno hauma nebisasani ebiterire oko Lupapura olweri 10, 12, 14, 16, 27, 29, 39, 41, 42, 44, 46, 47, hauma na 48.

NYAMUHANGA MWAHANGYIKA EKYIHUGO 1 NE BYOSI, EBIRI MUKYO

“Okw’ĩtsũka, Nyamuhanga mwahangyika olubula n’ekyihugo.” –Enzũko 1:1

“Kusangwa Nyamuhanga mwahangyika ebindu byosĩ omo byala bya Kristo, ebiri omo lubula n’ebiri oko kyiuhugo.” –Abanya Kolosaĩ 1:16a

“OMUKAMA abatsumule; oyo wahangyika olubula n’ekyihugo! Olubula ni lw’OMUKAMA ĩyowene, nĩkwa mwa-ha ekyihugo oko bandu.” –Esyonyimbo 115:15, 16

Ekyihugo kyabya kyowene Nyamuhanga akahakyo omundu. Soma akatabu kano eriminya ekyabya kyabere.



“Neryo Nyamuhanga mwabūga ati, ‘Tuhangyike omundu omo mūsīndo n’omo kyisosekano kyetu, atabale oko mahere w’omo ngetsi, ... n’oko kyihugo kyo-sī.’”

—Enzūko 1:26a

OMUNDU MWABYA OYULIHO

3

“Neryo OMUKAMA Nyamuhanga mwabumba omundu omo lūtūtū lw’ekyitaka, neryo mwabuhira omo nīndo yiwe mw’o-muka w’engebe. N’omundu oyo mwabya mundu oyuliho.*”

–Enzūko 2:7

“Neryo OMUKAMA Nyamuhanga mwabūga ati, ‘Sīryowene omundu eribya īyowene; ngandimukolera omūwatīkya oyu-mutolere. Neryo OMUKAMA Nyamuhanga mwayīsyā omundu oyo otūgotserī tunene, naye mwagotsera. Neryo mwīmya olukanga luwe luguma, nīkwa mwaswalība omūnyokū goho. Olukanga olo alūsaya oko mundu oyo, mwabumba mulo mw’o-mūkālī, mwamutwalira omundu oyo.” –Enzūko 2:18, 21, 22

*Omundu oyuliho anawite aho akendisyabya kera na kera.

4 **ADAMU NA HAWA MOBATAKENGGA
NYAMUHANGA**



Situlere eritaba Omulenge We Satañi.

**“Neryo OMUKAMA Nyamuhanga mwĩmya omundu oyo, 5
mwamũhĩra omw’irima Iy’eEdenĩ ati alimeryo, ate-
gayeryo. Neryo OMUKAMA Nyamuhanga mwahana omundu
oyo ati, Oko bĩgũma byosĩ by’obuli muti omw’irima,
wanganalya kubyo. Nĩkwa oko bĩgũma by’omuti w’eriminya
ekyibi n’ekyibuya, susyerya kubyo. Kusangwa oko kyiyo
wasyalya kubyo, wasyahola kũndũ.”** –Enzũko 2:15-17

ENZOKA YIKAHULAWA NIBYA MO MUTEBYA KUTSE SATANĨ
MWAKETA OBUTOKI BWA NYAMUHANGA, NERYO MWABŪGA
AMABEHI.

**“Enzoka moyabũga n’omũkalĩ iti, ‘Simwendisyahola n’a-
hake.’ Neryo omugulu omũkalĩ alangyira omuti kw’owene
busana n’akalyo, n’akandi kw’akatsemesaya meso, kandi
omuti kw’anganzwa busana n’eriyira omundu mo w’amenge;
neryo mwĩmya...mwalyakyo. Mwahakyo ĩba wuwe,...
naye mwalyakyo.”** –Enzũko 3:4, 6

6 ADAMU NA HAWA MOBATASWASIKALA OMWIRIMA



“Kyatuma OMUKAMA Nyamuhanga ĩnĩamũlolya eyĩhya w'eririma ly'eEdenĩ, alime ekyitaka ekyo alũsĩbawamo. Litya mwahigira omundu oyo y'eyĩhya; neryo mwahĩra Amake-rũbĩ ... n'omũyalĩ w'ekyirimi ky'omuliro ... busana n'erĩteya enzira ey'omuti w'engebe.”

–Enzũko 3:23b, 24b

MOKYABYA KIRO KYOBULIGE BUNENE OKO NDEN- 7 GO SYOSI OMUGULU ADAMU NA HAWA BAHALAYA



“Neryo ebibi mobyahika muna-kyihugo busana n’omundu muguma, n’oluholo molwingyira busana n’ekyibi kyiwe; neryo litya oluholo molwahika oko bandu bosĩ. . . .”–Abanya Roma 5:12

Omwatsi Oweryibuka

**Obuli mundu abutirwe omo kyibi kandi kiro kiguma akendi-syahola kusangwa oluholo molwingyira busana n’ekyibi.
(Tasyasoma Kandi Abanya Roma 5:12.)**

**8 AMENGE WA NYAMUHANGA BUSANA
N'ERITULAMYA KW'EBIBI LYABYA
ERITUMA OMWANA
WUWE EKYUSA**



**“Asyabuta mugala,
nawe wasyamwahula
mo Yesu, kusangwa
asyalamya abandu
buwe kw'ebibi byabo.”**

—Matayo 1:21

Mugala wa Nyamuhanga eribya
ng'abandu mwatsuka eriambala
omubiri neributwa ng'omundu.

**“Kusangwa umu Kristo muli erĩhĩkana Iyosĩ Iya Nyamu-
hanga omo mubiri.”**

—Abanya Kolosaĩ 2:9

YESU NI NYAMUHANGA OMWISOSA LYOMUNDU 9

**“Okw’ĩtsũka, Ekyĩnywa kyabyaho, n’Ekyĩnywa ekyo kya-
bya haguma na Nyamuhanga, kandi Ekyĩnywa ekyo kya-
bya Nyamuhanga. N’Ekyĩnywa ekyo mokyabya mundu,
naye mwĩkala omo katĩkatĩ ketu.”** –Yoane 1:1, 14a

**“Nĩkwa ebyosĩ ebĩ mobyabya bitya erĩberererya ebyo...
Lebaya, omumbesa asyaheka obukule, asyabuta mu-
gala; n’erĩna liwe lyasyahulwa mo Emanũelĩ nĩ ’bũga
ambu: Nyamuhanga haguma netu.”** –Matayo 1:22a, 23

**“Kusangwa omwana asyabutwa busana netu; twasya
habwa omugala. N’obutabale bwasyabya oko bitigo bi-
we. Erĩna liwe lyasyahulwa mo Mũhanĩ W’eriswekera.
Nyamuhanga Omũtokyĩ, Tata W’erikota, Omunya-mwa-
mi W’obuholo.”** –Īsaya 9:6

10 YESU KRISTO YO BUHERE BWETU BW'EKWENENE

“...mwabya butsira kyibi....” –2 Abanya Korīnto 5:21a

“Mwatakola kyibi.” –1 Petero 2:22a



Sihali obuhere kutse (ebihembo) ebyo-
mundu angaletīre busana n'erīlūsya
ebibi.

“Kusangwa omusasi w'esyonume
sy'esyonde, n'ow'esyombene sialito-
ka erīlūsya ebibi.” –Abaebrania 10:4

Yesu ni kyana ky'Embūlī kya Nyamuhanga. **“Neryo mwa-
būga ati, Lebaya, Ekyana ky'Embūlī kya Nyamuhanga,
oyūkalūsaya ebibi by'ekyihugo!”** –Yoane 1:29b

YESU MWAHA ENGEBE YIWE BUSANA N'ERITULAMYA

11

Yesu mwabambwa oko musalaba w'omuti kusangwa abandu babi mo-bamupona n̄ikwa oluholo luwe lwateghekawa ĩngye nawu t̄ulam̄iba-we kw'ebibi. Yesu mwabũga, ati **“Sihali mundu oyukanyisagulayo, n̄ikwa ngasĩgayo omo hamũlĩ yage. Nyiwite ehamũlĩ y'erĩsĩgayo, kandi ngwite ehamũlĩ y'erĩswĩmyayo.”** –Yoane10:18a

TUKATONGOLĪBAWA OMO MUSASI W'EKYANA KY'EMBŪLĪ KYA NYAMUHANGA

“Kusangwa m̄unasĩ ko m̄utatongolĩbawa oko mitsye mitya-mitya n'emigendere y'abotata-kulu wenyũ, omo bindu ebikahera, ng'ebĩtsĩpa kutse esyamagetsi. N̄ikwa mwatongolĩbawa omo musasi wa Kristo, ow'obũgũlĩ bunene; naye abya ng'ekyana ky'embũlĩ ekyite kw'ekyĩtĩngũ kutse bulema.” –1 Petero 1:18, 19

SAHALI AWANDI MAHERE AWANGALŪSYA EKYIBI.


12 “Twabiriyirwa mo batunganene busana n’omusasi wuwe, neryo kwilaba aho, Kristo asyatūlamya okw’ihitana Iya Nyamuhanga.”
—Abanya Roma 5:9b

“Yesu unyibuke omugulu ukasa omo bwami bwawe!”
—Luka 23:42b

Omūrahī
oyū
mwīkyīrīrya
Yesu neryo
mwalamī-
bwa.



“Kwenene ngabūga nawe, mūnabwīre ukandibya haguma nage omo Parādīso.”
—Luka 23:43b



Omūrahī
oyū
mwaṭī-
kyīrīrya
Yesu
neryo
mwa-
talamībwa.

“Kundi omugulu twabya tukyine bakola-nabi, Kristo mwatuholera.”
—Abanya Roma 5:8b

**ABOSI ABAKIKYIRIRAYA OMU MUGALA WA 13
NYAMUHANGA BAWITE ENGEBE**

**“Kusangwa Nyamuhanga mwanza ekyihugo
ky’atya, kyaleka iniaha Mugala wuwe, Ekyusa
kyiwe, neryo oyũkamwĩkyĩĩraya siahere, nĩkwa
abye n’engebe y’erikota.”**

–Yoane 3:16

**“Kusangwa mwatusabula oko hamũĩ y’obwami bw’o-
mwĩĩmya, n’erĩtũhũmĩrya omo bwami bw’Omugala
wuwe mwanze. Kristo abĩrĩtũtongolya n’eritubuyira
ebibi byetu.”**

–Abanya Kolosaĩ 1:13, 14

*Eritongolĩbwa nibũgha ambu twabirigulwa.

“IYE MWALŪBŪKA!”

**“Neryo omūlaika mwa-
būga n’abakalī ati, ‘Si-
mubahe, kusangwa nyĩ-
nasĩ ko mukasonda-so-
nda Yesu, oyo wabam-
bawa oko musalaba.
Siali hano, abĩrĩlūbūka
ngoko abūga! Mwase
mūlebaye aho Mukama
alūe agotsere.”**

—Matayo 28:5, 6

YESU MWALŪBŪKA ERĪLŪA OKO BAHOLĪ 15

“Kandi indi oyuliho! Nabya nyĩholĩre, neryo lebaya, nyiriho kera na kera. Kandi nyiwite ebĩboholĩ by’oluholo n’eby’e-Kũlĩmũ.”

–Erĩbĩsũlĩrwa 1:18

“Kusangwa nyiriho, nenyũ mwasyabyaho nibya.”

–Yoane 14:19b

Kusangwa Kristo abarĩkĩnda oluholo Kandi awite oko bĩboholĩ byoluholo situtolere tukatasyubaha oluholo.

Uwe W’endata Kutsibu, omugulu ngubaha, Ngayiketera we.

–Esyonyimbo 56:3

(Samalira okolupapura 46 busana n’esyondagane sya Nyamuhanga.)

YESU ANGANAKŪLAMYA KANDI ANEMUKUSABIRA

“Nĩkwa Yesu, kusangwa akabyaho kera na kera, . . . akatoka erĩlamya lino n’ebiro byosĩ abakahĩka uku Nyamuhanga busana naye. Kandi akakota busana n’erisabirabo.

–Abaebrania 7:24a, 25b

IWE NAGE TWANGANABANA ENGEBE Y'ERIKOTA



IWE Ūkwamĩre nzira yahi?

Yesu Kristo ya NZIRA y'eri-
bana engebe Y'ERIKOTA.

Enzĩgũ (Satanĩ) yo nzira
eyĩkalolaya OKWIHOLA kera
na kera.

Omũlwana ono amasombo-
la ndeke erilola omo nzira y'engebe y'erikota.

UKENDIYISOGAKĪ UKWEHI?

17

“...Muyisoge mūnabwīre oyo mwasyakolera....”

–Yosūa 24:15

“Neryo muyisoge engebe, imwatoka eribyaho, ĩnywe n’abana benyū.”

–Eryibuka Ebihano 30:19b

YESU YO NZIRA EYĪKALOLAYA OKO NGEBE Y’ERIKOTA

“Neryo erilama siriri omo gundi mundu, kusangwa Nyamuhanga sialitahula erindi rīna omo kyihugo kyo-sĩ omo katīkatī k’abandu, eryangatūlamya.”

–Emībīrī y’abakwenda 4:12

“Īngye, nīna ngye, indi MUKAMA. Kandi butsira ngye, sihali omūlamya.”

–Īsaya 43:11

18 EKYANGALEKA NĪKĪ ITWASOMBOLA YESU TWAMASONDA ENGEBE Y'ERIKOTA KWEHĪ?

1. *Kusangwa ni Kristo oyowasa.*

“... Īngye nasa babane engebe” –Yoane 10:10



2. *Kusangwa Kristo yowatwanza
n'erihola busana netu.*

*“Omugala wa Nyamuhanga, . . . oyo
wanyanza n'eriyiha busana nage.”*

–Abagalaṭiā 2:20b

Yesu mwabya mundu mwabya n'omu-
biri haguma n'omusasi ngatwe, **“Mwa-
kola atya iniatoka omo luholo luwe
eriherya Satani, eyo yabya n'obũ to-**

**kyĩ bw'oluholo. Kandi niatoka eribohola abosĩ 19
ababya ng'abakobe omo biro byabo byosĩ
busana n'eriubaha oluholo.” –Abaebrania 2:14b, 15**

***3. Omusasi wa Yesu musa yona mbanulo y'amalolo
wetu.***

**“Kusangwa ni musasi owakaliha embanulo busana
n'engebe eyo.” –Abalawĩ 17:11b**

**“N'omusasi wa Yesu Omugala wa Nyamuhanga
akatweraya kw'ebibi byosĩ.” –1 Yoane 1:7b**

**“Kristo abĩrĩtũtongolya n'eritubuyira ebibi byetu.”
–Abanya Kolosaĩ 1:14**



4. Ni Kristo oyowalūbūka okobaholī.

“Tūnasī Kristo abīrīlūbūkyībwa oko baholī, isiendisyaswahola na kera; oluholo silukyimuwite ko hamūlī.”

–Abanya Roma 6:9

“Kandi mwahola busana n’abosī, neryo abakabyaho, sibabyeho busana nabo ībobene; nīkwa babyeho busana n’oyo waholerabo, kandi mwalūbūkyībwa busana nabo.”

–2 Abanya Korīnto 5:15

Yesu mwabūga ati, **“Kusangwa nyiriho, nenyū mwasyabyaho nibya.”**

–Yoane 14:19b

5. Litolere itwabya n'Omũlĩmũ wa Kristo imotwa 21
syalũbũkĩbwa oko ngebe y'erikota (eribyaho kera na kera).

“Kristo emwisi wenyũ; erĩ ni maha w'olukengerwa.”

–Abanya Kolosaĩ 1:27b

**“Omũlĩmũ wa Nyamuhanga, oyo walũbũkaya Yesu
oko baholĩ, amabya ĩkere emwisi wenyũ, neryo oyo
walũbũkaya Yesu oko baholĩ asyaha engebe oko
mibiri yenyũ eyikahola, busana n'Omũlĩmũ wuwe, oyo
wĩkere emwisi wenyũ.”**

–Abanya Roma 8:11

**LITOLERE IWAMINYA NDEKE OMŪLĪMŪ WA KRISTO
KWĪKERE OMWISI SYAGU**

“Oyutawite Omũlĩmũ wa Kristo si mundu wuwe.”

–Abanya Roma 8:9b

**“Neryo mwa-
hambabo omo
byala biwe,
mwahĩra kubo
kw’ebyala,
mwatsumulabo.”**

–Marĩko 10:16



“Nyasĩ ndeke ko Yesu anyanzĩre kusangwa eBiblia koyĩkabũga itya.”

**“Nikwa Yesu mwabirikyira abana abo, ati, ‘Muleke 23
abana balere banyihikeko, simukakyirayebo; kusan-
gwa Obwami bwa Nyamuhanga ni bw’abali ng’aba.’”**

–Luka 18:16

**“Litya Tata wage oyuli elubula sanzire omuguma g’o-
ko bana balere aba akahera.”**

–Matayo 18:14

Nomo wangabyandi kutse nomo wangikala hayi Yesu akwanzire, mwakuholera wangamukangya olwanzo lwagu omo nzira y’erimukenga.

“Mwamanyanza, mwasyakenga ebihano byage.”

–Yoane 14:15

“Omwana akayiminyisaya busana n’emibiri yiwe.”

–Emiso 20:11a

24 NGOKO WANGABANA ENZIRA YAGU Y'ERIHKA OKU NYAMUHANGA

1. *Uyisinge ko guli mukola nabi (Samalira oko lupapura lwo 7).*

“Kusangwa abosĩ babirikola ebibi, kandi sĩbehĩka oko lukengerwa lwa Nyamuhanga.” –Abanya Roma 3:23

2. *Wase oku Nyamuhanga erilaba omu Yesu Kristo.*

“Kusangwa hali Nyamuhanga muguma, n’Omũsanganĩ muguma, oyũkasanganaya Nyamuhanga n’abandu; omundu oyo ni Kristo Yesu.” –1 Tĩmoteo 2:5

“Busana n’ekyo, [Yesu] akatoka erĩlamya . . . abakahĩka uku Nyamuhanga busana naye.” –Abaebrania 7:25a


Yesu mwabũga ati, **“N’oyukasa kwĩngye, sindiendĩsya-mũsũbya eyĩhya n’ahake.”** –Yoane 6:37b

3. Ubindule Omutima wagu n'erireka ebibi.

“Neryo ĩnywe mubindule emitima yenyũ.” –Emĩbĩrĩ y'Abakwenda 3:19a

**“Kandi Omukama . . . akayitsi-
ngyirira busana nenyũ, ĩsĩ-
anzĩre omundu n'omuguma
akahera, nĩkwa anzĩre abandu
bosĩ ibabindula emitima yabo
n'erireka ebibi.”** –2 Petero 3:9

**4. Ukangaye ebibi byagu
byo Yesu.**



25

**“Nĩkwa twamakangya
kwenene ebibi byetu,
Nyamuhanga sialire-
gula, kandi akakola
ekyitunganene. Asya-
tubuyira ebibi byetu,
n'erĩtwerya kw'e-
kyitatanganene
kyetu kyosĩ.”**

–1 Yoane 1:9


26 Handika ahĩkwa omulondo we 1 Yoane 1:9 owakabanika oko byala ebikakangaya erisaba oko lupapura lwa 25.

5. Leka ebibi byagu.

“Oyũkakũnĩngyĩra ebibi biwe, siendisyabya ndeke; Nĩkwa oyũkakangayabyo n’erirekabyo, asyabana eriganyirwa.”
–Emĩsyó 28:13

“Ūbũnũkale oko bibi, ukole ebibuya.”

–Esyonyimbo 37:27a



“Kusangwa mwabīrīlamībwa omo lukogo lwa Nyamuhanga, . . . nī lūsūnzo lwa Nyamuhanga. Omundu siayipipe, kusangwa sī mūbīrī w’omundu.”

–Abanya Efeso 2:8, 9

6. Wikyiriraye Yesu Kristo 27

“Kusangwa wamakangya omo buno bwawe ko Yesu ni Mukama, kandi wamīkyīrīrya omo mutima wawe ko Nyamuhanga amūlūbūkaya oko baholī, īwalamībwa.”

–Abanya Roma 10:9

“Wīkyīrīraye Omukama Yesu, neryo ūkandīlamībwa, uwe n’enyūmba yawe.”

–Emībīrī y’Abakwenda 16:31b

**28 7. Wangyirire Yesu Kristo y'omo mutima
n'omongebe yagu.**

Ekyowangakola ly'erikyungula olukyo l'omutima wawu



n'erikokya Yesu eringiramo. Yesu mwabūga ati, **“Lebaya! Nyini-mene oko lūyī n'erikongota; omundu amowa omulenge wage, akakingula olūyī, nasyingyira omo nyūmba yiwe, nasyalya haguma naye, naye asyalya haguma nage.”** –Erībīsūlīrwa 3:20

“Nīkwa abosī abamūkokaya, n'erīmwīkyīrīrya, mwahabo ehamūlī eribya bana ba Nyamuha-nga.” –Yoane 1:12

Wamabya utewatasaba neryo wanzire eriwatikibwa ngoko-wangasaba wangakwama erisaba eri:



Mukama Yesu,

Wasĩngya erihola oko musalaba erihoka ebibi byage. Unganyire oko bibi byosĩ ebyonabirikola ngakusaba nyiti wingyire omo mutima wayi n'erĩkalamo emighulu yosĩ Nama-kuyira mo mukama n'Omulamya wage. Omo Lina Lyawe namasaba, Amina.

30 YESU AMABYA OMO MUTIMA WAVE IGULI N'ENGEBE Y'ERIKOTA

“Nyamuhanga abirituha engebe y'erikota, n'engebe eyi ikabanika umu Mugala wuwe. Oyuwite Omugala, awite engebe.”
–1 Yoane 5:11b, 12a

“Oyũkowa ebinywa byage n'erĩkyĩrĩya oyo wanyituma, ... abĩrĩlũa omo luholo, abiringyira omo ngebe.” –Yoane 5:24b

Omubiri wagu amahola uli haguma n'omukama (2 Abanya Korĩnto 5:8). “... **Kristo emwisi wenyũ; erĩ ni maha w'olukengerwa ...**”
(Abanya Kolosaĩ 1:27b)

Wamabya iwamabĩbũlya Yesu erikuganyira ebibi byagu kandi lwamabĩkyĩrĩya Yesu Kristo eribya mulamyaga wagu handika erina lyagu lyo hano:

EBYO WANGAKOLA OMUGULU UKAKWAMA YESU

31



Litolere iwasoma emilondo omo BIBLIA (ekĩnywa kya Nyamuhanga) obuli kiro kandi ubike omo mutima wawe mw'emilondo mikulu eyikakuwatikaya (eyindi myatsi yine omo katabu kano.)

“Kusangwa Amasako gosĩ, Nyamuhanga yo wategekanayago. Kandi ali n'endũndĩ busana n'erĩkangyĩrĩya omwatsi w'ekwenene, kandi busana n'erikunga erihaba, kandi busana n'erihabula, n'erĩkangyĩrĩya abandu erikwama ekyitunganene.”

–2 Tĩmoteo 3:16

32 KANAYA NA YESU OMO MISABE ENDAMBI YOSI

Uhe Yesu y'ewasingya oko myatsi mibuya yosi eyabirikola omo ngebe yawe. Umupipe oko byosī abirikukolera haguma n'erilamya ekīrīrmu kyagu. **Usabe busana n'obwaga obo ulinabo.** Usabe oma lina Iya Yesu.



“Kusangwa twamabūlya kyindu omw’i-sonda live, akatowa.” –1 Yoane 5:14b

“Ekyīndūkyī mwasyabūlya Tata, asyabahakyo.” –Yoane 16:23b

“Neryo mūkangananaye ebibi byenyū, n'erisabirana, imwatoka erīlamībwa. Erisaba ly'omundu mutunganene likatoka omwatsi munene.” –Yakobo 5:16

“Musabire abakabendereraya.” –Matayo 5:44b

**OMUSABE OGO YESU AKANGYIRIRAYA
ABIGA BUWE**

33

(Omwiga y'omundu oyukakwama Yesu.)

Yesu mwabwira abiga buwe erisaba batya:

“Tata wetu oyuli elubula, Erīna lyawe ribye rībūyīrīre. Obwami bwawe bwase. Erisonda lyawe liyirawe, Omo kyihugo ngoko liri omo lubula. Utuhe mūnabwīre akalyo ketu akatutolere. Utubuyire amalolo ago twabirikola; ngoko tukabuyira abandi b'amalolo ago bakatukolera. Sīgūtwin-gyīraye omw'irengwako, nīkwa ūtūlamaye oko mubi. [Kusangwa obwami ni bwawe, n'obūtokyī, n'olūkengerwa, kera na kera. Amina.]”
—Matayo 6:9b-13

Erisaba erī litolere eribikwa omo mutima. Abīkyīrīrya bakabū-galyo haguma ngendo nyingyi.

**34 AMAHANO ĪKUMĪ (10) WA NYAMUHANGA AKATU-
KANGYĪRĪRAYA EBYOTWANGAKOLA OMWIBYAHU LYETU**
(Erĩlũayo 20)

*Ebihano bini by'erĩmbere biri busana
n'oLwanzo oku Nyamuhanga*

1. "Susyebya n'esindi nyamuhanga, nĩna Ngye."
2. "Sũsyeyĩkokoteraya esanamu eyikahesawa, kutse ekyisosekano ky'ekyindu n'ekyiguma,... Sũsyũnamirabyo kutse erikolerabyo."
3. "Isiwahula erĩna ly'OMUKAMA Nyamuhanga wawe lyo busa."
4. "Wibuke ekyiro ky'eSabato, erihigulakyo mo kyĩbũyĩrĩre."

Ebihano ndatu by'enyuma biri busana n'oLwanzo l'omundu oko gundi

5. **“Ukenge tata wawe na koyo wawe.”**
6. **“Īsīwīta.”**
7. **“Īsīwasīngyīra.”** (Obūsīngyīrī ba bandu abatahenie erigenda eyīhya n’eriyimya omundu oyute wuwe.)
8. **“Īsīwība.”**
9. **“Īsīwabehekereraya mŭlīkyenyū n’amabehī.”**
10. **“Isiwarumawa oko nyūmba ya mŭlīkyenyū . . . kutse kyīndūkyī kya mŭlīkyenyū.”**

**ERİYIBOMBKA OKU NYAMUHANGA LIKALETA
ERĪSŪBĪRYA OKO MISABE YETU**

“Kandi tukabana ebyosī ebyo tŭkamŭbŭlaya, kusangwa tukakwama ebihano biwe, kandi tukakola emyatsi eyīkamŭ-tsemesaya.”

–1 Yoane 3:22

Olwanzo oku Nyamuhanga

1. “Neryo Yesu mwamubwira ati, ‘Wanze Omukama Nyamuhanga wawe n’omutima wawe gosĩ, n’ekyĩrĩmũ kyawe kyosĩ, n’obũlengekańĩa bwawe bosĩ.’ Ekyihano kyikulu n’eky’erĩmbere kyekyo.”

–Matayo 22:37, 38

Olwanzo oko Mundu

2. “Omugambo w’akabiri owali ngago ati, ‘Wanze mũĩkyenyũ ngoko ũyanzĩre.’”

–Matayo 22:39

Amahano ĩkumĩ agosĩ (Awali oko lupapura 34 na 35) Ali omo bihano bibiri bikulu-bikulu.



Ekihande Ekīkakanaya oko Lwanzo

(1 Abanya Korīnto 13:1-8, 13)

¹ Namabūga omo mībūge y'abandu n'ey'abamalaīka, nīkwa isingwite olwanzo, nabiribya ng'omukenge owakalahira, kutse ng'enzoga eyīkabūgīrana. ²Kandi nomo nangabya n'olūsūnzō lw'erītūla omwatsi, kandi nyasī erīkūmbo lyosī, n'eriminya lyosī, kandi nomo nangab a n'erīkyīrīrya lyosī erikatoka erīlūsya ebitwa, nīkwa isingwite olwanzo, inyiri busa. ³Nomo nangabya ngahītya ebyosī ebyo nyiwite, kandi namaha omubiri wage erīhīsībwa, nīkwa isingwite olwanzo, sibyeniyigasirakyī. ⁴Olwanzo lukayibombeka, kandi luli n'obwenge; olwanzo silulibya n'obūha; siluliyihalamba, siluliyiheka. ⁵Olwanzo siluli-

38 bula erĩsĩkya; siluliyirondera endũndĩ ĩlolwene-lwene; kandi silulihitana lityalitya; silulibikyirira ebibi. ⁶Olwanzo silulitsemera ebitatunganene, nĩkwa lukatsemera eby'ekwenene. ⁷Olwanzo siluliluha, omo myatsi yosĩ lũkĩ-kyĩrĩraya, lukabya n'amaha, lũkayĩyĩnaya. ⁸Olwanzo lukakota; nĩkwa olũsũnzo lw'eriminyerera omwatsi lwasyalũsĩbwaho, kandi erĩbũga emĩsĩndo-mĩsĩndo y'ebĩnywa lyasyũmbya; hali olũsũnzo lw'eriminya, nĩkwa lwasyalũsĩbwaho.

¹³Neryo lino emyatsi ĩsatu ineho, erĩkyĩrĩrya, n'amaha, n'olwanzo; nĩkwa olwanzo lũlengyĩre eyindi myatsi eyĩ.

NYAMUHANGA NI LWANZO

“Nyamuhanga ni lwanzo, n'oyuli n'olwanzo ĩkere umu Nyamuhanga; kandi Nyamuhanga ĩkere umw'iyē.”

—1 Yoane 4:16b

YESU ANZIRE ĪWAKANGYĪRĪRYA ABANDI BANDU

39

(eka, okw'ītendekero, oko
kanisa, n'ehosi-hosi)



Yesu mwabūga ati:
**“Usube eka wawe oko
b’ewenyū, ubwirebo
emyatsi minene eyo
Mukama abirikukolera,
kandi ngoko abi-
rikuganyira.”**

—Marīko 5:19b

40 NGOKO WANGAMINYA OMWANA WA NYAMUHANGA OW'EKWENENE

“Neryo mwamabya n’olwanzo omuguma busana n’ogundi, abandu bosĩ basyaminya ko muli biga bage.” –Yoane 13:35

“Nĩkwa emibere eyĩkalũa oko Mũlĩmũ yeyĩ: olwanzo, obutseme, obuholo, eriyibombeka, obwenge, obubuya, eritendiregula, omutima molo, n’erĩyĩteya.” –Abagalatĩa 5:22, 23a

“Kusangwa mwamabuyira abandu kw’amalolo ago babiribakolera, Tata wenyũ w’elubula asyababuyira nibya.”

–Matayo 6:14

EMYATSI IRINDA (7) EYO NYAMUHANGA ATANZIRE

“Ameso awakayipipa, olulimi lw’eribiha, N’ebyala ebĩkũta omusasi owate ko lubanza; Omutima owakayĩtegekaya eriyikandayirira libi, Ebisando ebyangũhĩre oko bibi, Omũlangyĩrĩ w’amabehĩ, oyũkabũga amabehĩ, N’oyũkapanzalĩkanaya amalwa omo katĩkatĩ k’abagala babo.” –Emĩsyo 6:17-19

EMĪBĪRĪ Y'OMUBIRI:

41

“Neryo erikola ly’omubiri liminyikere ndeke, Iyerĩ: erĩsingyĩra, obũkyĩne, amaragane, [omulume oyutatahirye erimya omukali oyutatahibwe] erisaba esyosanamu, erilagula, obũyĩgũ, erilwa obũha, erihitana, erigabana, erikuba obuhaka, erinegena, erĩkangyĩrĩrya ly’amabehĩ, erĩtsura, erĩkũnda, eritamira, n’emyatsi yosĩ eyiri ng’eyĩ. Ngababwira ndeke kandi nyiti, Abakakola ebiri ng’ebĩ, sibendisyabana omwanya omo bwami bwa Nyamuhanga.”

–Abagalatĩa 5:19-21


“Sĩmũtebĩbawe; ab’amaragane, kutse abakasaba esyosanamu, kutse abatetĩ, kutse abalume abakatetana, kutse abĩbĩ, kutse abakũndĩrya, kutse abakatsuma, kutse abanyeyĩ; aba sibendisyasangyira oko bwami bwa Nyamuhanga.” –1 Abanya Korĩnto 6:9, 10

LEKA YESU AKOSŪLAYE N’OMULIMU WUWE N’ERIKUYIRA M’OMUNDU MUHYA MUHYA OYŪHENĪRYE

“Nĩkwa lino ĩnywe mwabĩrĩerĩbwa kw’ebibi, . . . mwabiriyirwa mo batunganene busana n’erĩna ly’Omukama Yesu Kristo, n’omo Mũlĩmũ wa Nyamuhanga wetu.”

–1 Abanya Korĩnto 6:11b

42 EKŪLĪMŪ NI MWANYA ANEHO KWENENE



(Soma Lūka 16:19-26.)

Wangaminyā kwenene ko uyiketere Yesu Kristo. Inia-handika eřina lyawe omo kitabu ky'engebe.

“Kandi omundu oyutawite eřina līsakyire omo kyitabu ky'engebe, mwaguswa omo ngetsi y'omuliro.”

—Eřibīsūlīrwa 20:15

**YESU YONA NZIRA Y'ERHIKA
UKU NYAMUHANGA**

43

“Nyamuhanga abirituha engebe y'erikota, n'engebe eyĩ ikabanika umu Mugala wuwe.” –1 Yoane 5:11b

“Kusangwa obũhĩngyĩ bw'erikola ebibi ni luholo, nĩkwa olūsũnzo olũkalũa uku Nyamuhanga ni ngebe y'erikota busana n'eribya umu Kristo Yesu, Omukama wetu.”
–Abanya Roma 6:23

“Oyũkĩkyĩrĩraya Omugala awite engebe y'erikota; nĩkwa oyutekenga Omugala siendisyalola oko ngebe, nĩkwa erihitana Iya Nyamuhanga lĩmwĩkereko.” –Yoane 3:36

“Yesu mwamubwira ati, ĩngye indi nzira, ĩngye indi mwatsi w'ekwenene, ĩngye indi ngebe; sihali mundu ũkahĩka uku Tata ate kwĩngye.” –Yoane 14:6

44 OLUBULA NI MWANYA ANEHO KWENENE



Yoane mwalangyira omw'ibīsūlīrwa olubula luhya luhya n'ekyihugo kihya kihya Erībīsūlīrwa 21. “**Neryo asyasangula emisonia yosi oko meso wabo. Kandi oluholo silwendisyaswabyaho, kutse erisusūmana, kutse eririra, kutse eriagalwa. Kusangwa emyatsi y'erimbere yabirirenga. N'oyo wikere oko kyitumbi ky'obwami mwabuga ati, 'Lebaya Lino ngayira emyatsi yosi mo mihya-mihya.'**”

—Erībīsūlīrwa 21:4, 5a

Kandi Yoane mwalangyira omūyī abūyīrīre eYerūsalema akalwa elubula ewa Nyamuhanga. “**N'omūyī abya w'esyamagetsi nyibuya, esihenīrye ng'ekyīraulī. N'amabwe w'ekyibanza ky'ekyīyīte ky'omūyī, abya abambīre kw'amabwe w'emīsindo yosi y'obūgūlī bunene.**”

—Erībīsūlīrwa 21:18b, 19a

**YESU ABIRIGENDA AKAYAKOKOTYA OBWĪ- 45
KALO BUSANA NABOSI ABABIRI MWIKYIRIRYA**

“Sīmūhanga-hangaye emitima yenyū; mwīkyīrīraye Nyamuhanga, nage mūnyīkyīrīraye. Omo nyūmba ya Tata wage muli myanya mingyi y’erīikalamo. Ngayakokotaya aho wenyū; kumbe si kwenene, kumbe nabiribabwira. Kandi namayakokotya aho wenyū, nasyaswasa n’eribabwira. Kandi namayakokotya aho wenyū, nasyaswasa n’eribabwira.”

–Yoane 14:1-3

UBWIRE ABANDI BANDU ENGULU YOWENE EYĪ

Yesu mwabūga ati, “Muye omo kyihugo kyosī, mūtūlaganaye Engulu Yowene oko bandu bosī.”

–Marīko 16:15b

“N’omwenge akatunga emitima y’abandu.”

–Emīsyō 11:30b

ESYONDAGANE SYA NYAMUHANGA OKO BANA BUWE

“Sindiendisyakuleka na kera, kandi sindiendīsyakūsīganīa n’ahake.”
–Abaebrania 13:5b

“Nyamuhanga asyahamula abamalaīka buwe erīkūteya, Erikuhanganira ehosī ukaya.” –Esyonyimbo 91:11

“Kandi sihali wangatoka erīpūrasyo omo byala bya Tata.”
–Yoane 10:29b

“Īngye indi haguma nenyū ebiro byosī, erīhīka okw’ihwererera ly’emigulu.”
–Matayo 28:20b

“Sigubahe ebīkandīsyakwagalya . . . Ubye n’obutalegula erīhīka oko luholo, nage nasyakuha embīta y’engebe.”

–Eribīsūlīrwa 2:10

“Unyibirikyire, nage ngandīkūsūbīrya.”
–Yeremīa 33:3a



Obuli mundu akendisyalūbūkībwa omo baholī.

“Kusangwa endambī ikasa, oko mugulu oyo, abosī abali omo masinda basyowa omulenge wuwe. Basyalūa omo masinda wabo; abakola emībīrī mibuya basyalūbūka oko ngebe, n’abakola ebibi basyalūbūka oko lubanza lw’eritswerwa.”

–Yoane 5:28b, 29



Abahola l babīrīkyīrīrya Kristo bakendisysūka erīlūbūka.

“Neryo netu itwe tuliho, twasyabakulwa haguma nabo omo bītū, erīhīndana n’Omukama omo kyanya. Neryo twasyabya haguma n’Omukama kera na kera.”

–1 Tesalonīka 4:17

“Mūtegaye mūlebaye, kusangwa sīmwasī omugulu oyo nga ni wahi.” –Marīko 13:33

48

YESU AKENDISYASA ATI KWEHĪ?



“Mūlebaye! Akasa omo bītū! N’obuli rīso Iya-syamulangyira.”

–Erībīsûlīrwa 1:7a

*Uyītegaye oko bamīnyererī
nabakristo bamabehī.*

“Neryo omundu amababwira ati, ‘Lebaya, ha-no ho Kristo ali!’ Kutse ati, ‘Yolya halya, sīmūlīge.’ Neryo bamababwira bati, ‘Lebaya, ali omo mbwarara,’ simuyeyo. Kutse bati, ‘Lebaya, ali omo byumba by’emwisi,’ sīmūlīge.”

–Matayo 24:23, 26

YESU AKASA LUBA OMO BĪTŪ BY’EKYANYA

“Neryo ebihanda byosī by’omo kyihugo byasyasūsūmana. Kandi byasyalangyira Omugala w’Omundu akasa oko bītū k kyanya, n’obūtokyī bunene n’olukengerwa lunene.”

–Matayo 24:30b

OLWIMBO LO MULISYA

(Esyonyimbo 23)

1OMUKAMA nĩ mũlĩsya wage; Sindiendisyabula kyindu.
2Akaleka inaluhuka omo lũlĩsĩryo lw'ebiti bibisi, Akanyisondola ahali amagetsi awatekyĩre. **3**Akasũbaya omutima wage. Akanyisondola omo nzira yitunganene busana n'erĩna liwe.

4Nomo nangalaba omo musya w'omwĩrĩmya owakalĩre, Sindiendisyubaha ebibi, kusangwa uli haguma nage; Omwĩgo wawe w'omũlĩsya n'ekyĩbĩngyo kyawe, bĩkanyĩsĩkaya. **5**Ūkanyĩkokoteraya erirya ĩnene embere w'esyonzĩgũ syage; Ūkũta amagũta awakakumba ndeke oko mutwe wage, Olũtehĩ lwage lũtswagĩre.

6Kwenene obubuya n'olwanzo byasyanyikwama ebiro byosĩ by'engebe yage; Kandi enyũmba y'OMUKAMA yasyabya bwĩkalo bwage kera na kera.

Emilondo eyihandikyire oko katabu kano yilwire omo Biblia eye kinandi ekihamwirwe erikolesibwa ne Bible Society eye Zaire omo mwaka 1996.

If you are interested in receiving additional Scripture booklets, write to the publisher in English or visit our website at **www.wmpress.org**.

World Missionary Press, Inc.
P.O. Box 120
New Paris, Indiana 46553-0120 U.S.A.

Nikyabusa-Sikyegulibawa